

Sastroo **USA** ko Katchinike **Agansoani**



Amazing Facts
Poraiani

21



United Statesni gimin Sastroni
katchinike agananiara chong-mot
ong-na man-ama? Chong-mot ong-na man-a!
Jensalo na-a iani gimin chanchiaton, indake
ma-sina man-a je namen bilakgipa aro gisikko
salna man-gipa a-gilsakni a-song agilsakni itihasni
bon-kamgipa do-gako chipna skang jajaatna
man-gipa nangchongmotgipa kamko ka-gen.
Indiba una bateba namen aiao inmannanirang
nang-na sengoenga jekon Sastroo maikai
mongsonggipa a-gilsakni a-song re-bagen aro
maina re-bagen? la poraianiko a-bachengna skang,
ka-sapae Parape-a 13:11-18 ko poraichengbo,
maina pod chetrangde mikkangchi ong-gni United
Stateni gimin katchinikani noksako on-aha.

1

**Parape-a Odhai 13 o a-gilsakni rokomgni bilrangko mesokaha.
Skanggipa bilara maia?**

Aganchakani: Matburung sko dotsniara
(Parape-a 13:1-10) Romeni pope ong-a. (Poraiani
Lesson 15 ko iani gimin chu-gimik poraianiko dakbo) Gisik
ra-bo je Sastroni katchinike aganania matburungrangde
a-gilsakni songnokrang ba a-gilsakni bilrangko mesoka
(Daniel 7:17, 23).



2

**Badia bilsio popeni bil a-gilsakko
ganggopaniko gimaatgen ine
agansoaha?**

“Sotbri gni jana ka-na una bil on-aha” (Parape-a 13:5).

Aganchakani: Pope an-tangni bilko ja sotbri gni matchoto gimaatgen
ine Sastroo agansoaniko dakaha. la katchinike aganani 1798 bilsio
chu-sokaha, jensalo Napoleonne General Berthier popeko rim-gittangahaan,
popeni bil sinasipile matataka man-aha. (Chu-gimikko ma-sina, Poraiani
Lesson 15 ko nibo.)

1798

3

Badia a-songko popeko sinasipile matatani somoio ong-katbagen ine agansoaha?

"Aro anga a-aoni ong-katbaenggipa gipin matburungko nikaha, aro uo mes bi-sa gita grong gong-gni gnangchim, aro ua drakon gita aganachim." (Parape-a 13:11).



Aganchakani: Pod 10 o janapgipa popeko rim-gittanganiko 1798 bilsio ong-aha, aro gitalgipa bil (pod 11) ua somoio ong-katbaenganiko nikna man-aha. United States an-tangni jaggitel ong-aniko 1776 bilsio parakataha, Constitutionko 1787 bilsio ra-chakaha, Bill of Rightsko 1791 bilsio ra-gataha, and rongtalbeen a-gilsakko bilakbatgipa bil ine 1798 bilsio songaha. Ia somoiara United Statesan kragipa ong-aha, aroarang gipin bil dongjaha.



4

"A-gilsakoni ong-katbaenggipa" matburungara maia gamchatani donga?

Aganchakani: Ia a-songara Daniel aro Parape-ao janapgipa gipin a-songrang gita chioni ong-katani pal "a-aoni ong-kataha" An-ching Parape-aoniko u-ina man-a je chiara a-gilsakni biaprangko mesoka jeon jelgipa manderang donga. "Nang-ni nikgimin chirang, jeo ua dari asonga, uan mande jinmarang aro jatrang aro ku-sikrang ong-a." (Parape-a 17:15). Uni gimin, a-ara bikpil ong-aniko mesoka. Iani ortode indake ong-a je ia gital a-songara a-gilsakni biaponi ong-katgen jean Europena bate chongipa mande jelani ong-aha aro ian 1700 jolrangna skangon ong-aha. Ian mande jinmaoni ong-bana man-a aro Gitcham A-gilsakni a-songrangni kosako dakgrikigipa ong-aha. Ian mande jelgijagipa biaponi ong-katbana nangaha.



5

Maiko mes bi-sa gita grong gonggni aro mukutrang donggijaniara mesoka?



Aganchakani: Grongrangara rajarangko aro songnokrang ba sorkarirangko mesoka (Daniel 7:24; 8:21). Ianode, uarang United Statesko rokomgni dake sason ka-ani bilko mesoka: Sorkari and toromni jakgitel ong-ani. Ia rokomgni mongsonggipa niamrangko “republic” ineba donaha (raja donggija sorkaniko) aro “Protestant” (pope donggija mondoli). Gipin a-songrang jerangan chengonin a-dokni toromko dakchakna kajinako manderangoniko ra-aha. Bang-bata toromko warachakgiparangkoba sinjetaniko man-aha. Indiba United States maiaba gital dake songako man-aha: Sorkarini champenga gri jakgitele olakkina. Mukutrang donggijaniara rajachi sason ka-ani pal manderangchi chalaigipa sorkariko miksonga. Grong gnanggipa Mes bipara sontol ong-ani, chadambe ong-ani, duk on-gijagipa, tom-tomaniko namnikgipa aro gisikni asongko miksonga. (Jisuko chang 28 na kingking mes b-isa ine Parape-ao aganaha). Uni gimin ka gitalgipa sorkariara Uni skiarangko de-dona jotton ka-engachim. A-gilsakni darang bilba United Statesna aro grong gnanggipa matburungna agre ia cholonrangko man-na kragipa dongjaha.

Dingtangmancha Seani:

United Statesni gimin Jisuni talatgipako ianon dondikatna man-ode baditan an-chingni skani ong-genchim—indiba an-ching man-jawa, maina Ua dondikjaha. Maia gipin rebayani haida ranggitik moatani gita ongnaba donga. United Statesare dal-gipa a-song ong-aha, jakgitel ong-e chanchina, jakgitele see parakna, aganna man-ani bil, dakdrae nina skani; cholrang; krae dakanirag; bilgrigiparangna ka-sachakani; Kristian dakbewalrang. Ian chusokgipa ongja, indiba bilsianti, a-gilsak gimikoni re-bae songdong a-chana sigkipa manderangko nokchakna sigkipa ong-a. Dukni kattade, ia mane cha-anio pattia man-gipa a-song mikkangchi re-bagnigipa salrango namen dingtangani donggen jean Isolni manderangna ka-tong sa-dikani aro dukrangko ra-bagen. Iako chinga u-itanisan ong-a maina Isolni kattako u-iatna nangchongmota!

6

Jensalo United States “drakon gita” agangen ine aganon Parape-a 13:11 ara maiko miksonga?

Aganchakani: Na-a Poraiani lesson 20 oniko skie ra-ahaon, drakonde Satan onga, jean a-gilsakni rokom bilrangchi an-tangni songnokko songna aro Isolni mondoliko a-riksanalachi aro Isolni manderangko niasiina kamko ka-gen. Isolni singhasonko ra-sekna aro manderangko an-tangko olakkiatna aro una bamchina draanian Satanni miksongani ong-a. (Poraiani lesson 2 chu-gimikko ma-sina nibo). Uni gimin, drakon gita agangen ine miksonganiara United States (Satanni didianiko man-e) bon-kamani somoio, manderangko chanchianina bikpile olakkiatna dragen ba sasti on-ako man-gen.



7

Maiko dingtangmancha dake United States dakgen jean uko drakon gita aganatgen?



Aganchakani: la mingbri chanchianirangni gimin niate nibo:

- A. “Skanggipa matburungni nokgipa ongani pilakkon ... daka” (Parape-a 13:12).** United States a-riksanalani bil ong-gen jean manderangko uamangni chanchiani kosako re-china draatgen, jedake Romeni popechi dakaha gita - jekon Parape-a odhai 13 ni skanggipa adhao mesokaha.
- B. “Ua aa aro uno donggiparangko, siani matako namata mangipa skanggipa matburungko olakiata.” (Parape-a 13:12).** United States a-gilsakni a-songrangko pope antichrist baksa drae bakrimna manderangko dilgen. lan pangnan olakkiani bidingo ong-a. Na-a sako olakkigen aro sana bamgen? Nang-ko Ong-atgipa aro Piokgipa, Kristokoma ba antichristko? A-ao donggipa sakanti janggian bon-chotaode saksako ba sakgipinko manigen. Satanni kam ka-aniko ning-tugipa gisikni bidingo gita nikgen, aro bebero-na amsokpilgijagipa dal-gipa chinrangko nikgen (**Parape-a 13:13, 14; Parape-a 13:3**). Jerangan ia kamo bakrimna jechaka uamangko ga-kragijagipa, gitokreng ragkipa, dingtang daktegipa aro a-songna ka-sagijagipa ine chanako man-gen. Jisu bonkamani somoioide Protestant Americako “tol-a katchinikgipa” (**Parape-a 19:20; 20:10**) ine changen, maina uko gisikni bidingo kam ka-gipa aro ka-dongchakna man-gipa dake nikatgen indiba ian Satanni kamsa ong-gen. la pilakkon ong-na amjasusu dake nikgen, indiba Jisuni kattarangara pangnan ka-dongchakna man-gipa bebe ong-a (**Titusna 1:2**). Ua somoio a-gilsakni songnokrang aro antichristni chakatani aro ga-akani gimin agansoaha (**Daniel odhai 2 aro 7**) je obostaan ong-ronggijani aro bebero-na amgijani dake nikgen. Indiba agansogimin gita pilakan tiktak somoio chu-sokgen. Uni da-alo an-chingna mikrakataniko on-anide katchinike aganani giminan ong-a, chong-motan, “Aro da-o ong-na skangon anga na-simangna aganaha, maikai ong-an salo na-simang beberana man-gen.” (**Johan 14:29**).
- C. “Aro tonualni matako man-e tanggipa matburungni bimangko dakna nanga ine, a-ao donggiparangna agane.” (Parape-a 13:14).** United States toRomrangna manina niamrangko dakanichi matburungna bimangko dakgen. Uan olakkina niamko dakgen aro manderangko manina ba ong-jaode so-otako man-na draatako man-gen. lan Chasong bijatchi jolo popeni bilchi sason ka-aniko ra-gatpilitaiani gita ong-gen jensalo million manderang uamangni bebero-anina so-otako man-aha. United States sorkarini bilko aro tol-gipa Protestant toromko dondime, “bia ka-ani” bimango popeko dakchakgen. Indake a-gilsakni pilak a-songrangko an-tangni dakmesokaniko ja-rikna didianiko dakgen. Indake, pope a-gilsak gimikni dakchakaniko man-rorogen.
- D. “Aro basiksak ua matburungni bimangko olakkija, uamang so-otako man-na gita.” (Parape-a 13:15).** United States, a-gilsak gimikni kam ka-anio skotong ong-e, a-gilsakni a-song aro jatrangko jerangan matburung ba uni bimangko olakkina jechaka, so-otchina rai on-gen. la agimikni bakrimaniko minggipin bimungchi “Dal-gipa Babylon” mingaha. (Poraiani lesson 22 ko u-ie ra-na gita poraibo.) la a-gimikni bakrimani, Kristoni bimungo, Gisik Rongtalgipani didiani palo polis mandeni bilko jakkalskagen—aro uan olakkina dragen.

8

Mai dingtangmanchani bidingrango dra-aniko jakkalgen aro so-otaniko man-na niamko dongen?

“Aro matburungni bimang aganna man-na gita, aro basiksak ua matburungni bimango olakkija, uamang so-ota man-na gita, ua matburungni rang-sitaniko on-na un on-aha. Aro pilakkon, chona aro dal-a, aro man-e cha-gipa aro kangal, aro jakgitel aro nokol, uamangni jakrao ba uamangni mikkango uamangna chinko on-na ine, aro ua chinko, chong-motan ua matburungni bimungko, ba uni bimungni nomborko man-gipana agre pilakba brena ba palna amja ine ua dakaha.” (Parape-a 13:15-17).

Aganchakani: Dakgrikano bon-kame chanchina nanganide olakkiani bidingo aro matburungna bamna aro uni chinko man-aninian ong-gen—Robibar salko tol-gipa rongtalgipa sal dake mandera-ani, Kristona bamna aro Uni chinko antini snigipa Neng-takani Salko mandera-ani dake olakkiani baksa dakgrikani ong-gen. (Chu-gimik ma-sina gita, Poraiani lesson 20 ko nibo). Jensalo chanchianiko dakani rongtale ma-sigen aro manderang Neng-takani salko pe-na draatako man-gen ba so-otako man-gen, jerangan Robibar salko baseaniko daka, matburungko olakkigen. Uamang an-tangtangni Ong-atgipani kattako, Jisu Kristoko baseani pal, ong-atako man-gipa, mandekosa manina baseaniko dakgen. Iano pope an-tangni agananiko daka: “Mondolisa Neng-takani Salko Robibar salona dingtangataha aro a-gilsak pilakan Catholic Mondolini tarigimin ua salko manitokenga” (Hartford Weekly Call, February 22, 1884).



9

Sorkariara breaniko aro palaniko nirokna man-bebegenma?

Aganchakani: Gnigipa Agilsakni Dakgrikani somoio, chini, tirerangko aro garini toko brena ration stamprangko one nirokano dakronga. Stamprang donggijade, tangkade gamchatjachim. Ia computer chasongode, apsangipa jakkalaniko dakna aro songna namen altuabea. Mesokatna, na-a agilsakni baksa bakrimna ku-mongjaode aro namnikpajaode, nang-ni Social Security Number datao napjawa, jean nang-ko brena man-jawa ine mesokgen. Darangba namedakade maikai iara re-bagen uko u-ija, indiba na-a iako ong-chongmotgen ine bebera-na nanggen—maina Parape-a 13:16, 17 on, Isolan iani gimmin ong-gen ine agansomanaha.

Rokomgni Nadobagipa Bilrang

Parape-a odhai 13 rongtalbea. Bon-kamani somoio, rokomgni bilakbatsranggipa bilrang ong-katgen: Americani United States aro pope. United States popeko a-gilsakni manderangko matburungni bil (pope) aro uni chinko ra-na draatachi dakchakgen, manijaode sina nanggen. Minggipin minggni sing-anirande ia rokomgnini bilrangko nisuusagen.



Da-alo popeni bil baditana bilakenga aro gisiko nangatna man-enga?



Aganchakani: Ian a-gilsako bilakbatsranggipa toRomrangna aro sason ka-ani bil ong-a. Dakrongbewal gitade a-song damantini baltigipa ba a-songni palo chadenggipa Vaticano donga. Iano chong-mot ong-anirangko niatbo:

- A. 2015 bilsio, Pope Francisni United Stateschina re-anganio pamongrangko aro sason ka-gipa dolrangko rimangaha. Cardinal Timothy Dolan indine aganaha, “Badita ua popeko mandera-ani aro bilni gamchataniko komie talataha, inditasan manderang una gisiko nangbataha.”—CBS This Morning, September 22, 2015.
- B. A-gilsakni Kristianrangko damsan ong-atna kam ka-anian popeni miksongani ong-a. Januaryni, 2014 bilsio, Francis ku-cholsan ong-ani olakkianiko Orthodox, Anglican, Lutheran, Methodist, aro gipin Kristian dolrang baksa St. Paulni Basilicao ong-ataha aro Kristian ku-cholsan ong-ani gimin talataniko dakaha. Francis aganaha, “Mondolio bak dakaniko maiba ong-rongbewal dake ra-chakna man-ja, maina bak dakaniani Kristoni be-enko matatgen aro sakki on-aniko bilgriatgen, ianan an-chingko a-gilsakni mikkango una saki on-na okamaha.”—Catholic Herald, January 27, 2016.
- C. Dilgiparang tom-tomanina uona an-pilahaon a-gilsak gimikni aganchakaniara aiao inmanpilani ong-aha. Francis dingtangmanchagipa bi-aniko Israel aro Palestineni dilgiparang baksa Vaticano sokachakaha. Uni ja-mano, pope, jean Latin American ong-e, Havanao, aditan ka-dongchakani aro de-mitelaniko man-aha, ian U.S—Cubaona ramako tarina dakchakaha.”—Sylvia Poggioli, National Public Radio, April 14, 2016.
- D. 2015 bilsio Francisni Americaona re-ange grongeanio, Americani dilgiprangoniko ong-rongkugijagipa aganchakaniko man-aha. Jensalo Pope Francis U.S ni airport ona sokahaon President Obama an-tangan uko rimchaksoaha, ian Americarangni Popeko mandera-a gngang rimchaksoani chin ong-achim ine White House aganaha. Congressni damsan tom-bimonganio dongpae, Francis skanggipa agananikoba dakaha jean Americani itihaso serikani ong-aha.”—Irish Daily Mail, September 23, 2015.





11

United States da-alo baditana bilakgipa aro gisiko nangatgipa a-song ong-enga?

Aganchakani: United Statesko sipai kotokni bidingo a-gilsako bilakbatsranggipa aro a-gilsakko gisiko nangatgipa biap ine chanaha. Iarangni gimin chanchiatbo:

- A. "Bilni bilakanio, U.S mikkangchiba mongsonggipa ong-angkugen." Ian Bremmer, Time Magazine, May 28, 2015.
- B. Maia dagrika aro tom-tomani gisepo dingtanggrikaniko ong-ataniara ... namgijana miksonganirang, ba bilakgipa kattarang, ba as-onrangni nangrimani ong-ja. Ian dakna man-ani, mingsingani, aro a-gilsak gimikona Americani rakgipa bilni sokani."—Senator John McCain, November 15, 2014.
- C. "United States damsangchongmotgipa a-song ong-a aro dongkamgen. Uan batanggimin chasongna bebe ong-a aro uan re-bagnigipa ritcha bilsinaba chong-mot ong-gen."—President Barak Obama, May 28, 2014.
- D. Franceni foreign minister, Hubert Verdine, Pariso donggipa manderangna United Statesko "mongsonggipa bil" ong-a ine talataha.—The New York Times, February 5, 1999.

Gipin a-songrang jedake China aro Russia oniko neng-nikatanirangko man-genchimoba, neng-nikatanirang aro jegrikigipa a-songrangni kosako chadengna Americao bil donga aro nangani somoio a-gilsakko ganggopna kam ka-na man-a. United Statesni mikkangchi ong-gnigipa president gitalgipa a-gimikni niamrangko jakkaldraatna, mongsogbate rakgipa a-gimiko obosta ong-anina tom-tomani aro kimkimatna dakmike kamko ka-giparang dongode, a-songni bilrangko jakkalna jechakjawa.



12

Maia gipin cholrangchi paltangni chanchiako pe-na jechakgiparangni kosako sastiko ra-bana a-gimikni tarigimin niamara dakchakna man-a?

Aganchakani: An-ching uarangni chong-mot ong-aniko mingna man-jawa, indiba adita ong-na man-anirangni gimin chanchiatna man-a:

- | | |
|--|--|
| A. A-songni kosako bobil dake chakatgiparangni kamrang | G. A-songko sason ka-anio namgijanirang |
| B. Kajja ong-anirang aro mande so-otani aro namgijani batroroani | H. Kacharirangni kakketgija bichal ka-anirang |
| C. Sambisina dagkikanirang | I. Manderango aro sason ka-anio neng-nikanirang |
| D. Tangka paisao mongsonggipa neng-nikatanirang | J. Kajinarang baribaani |
| E. Marikki sabirangni giporoani | K. Til-ek an-chaani noksarang aro gipin cholonni ong-siani |
| F. Dingtangatna chanchigipa a-songrangni nuclearchi ka-mikkenatanirang | L. A-gilsako bilonggipa a-sel ong-anirang |
| | M. Chu-gimik dingtanganiko ra-bana "sikgipa dingtangmanchagipa" dolrang. |

Bobil dake chakatgipani kosako dagrikpilani, niam gri ong-ani, cholonni ong-siani, jakgitele dongani, Sason ka-giparangni namedake sason ka-na man-gijani, aro bang-a apsangipa neng-nikarangan bilakgipa, dingtangmanchagipa niamrangko ra-gatna altubatataha.

13

A-gilsakni obostarang namjabatoron, manderangko tol-napna Satan maiko dakgen?

"Aro ua dal-gipa chinrangko daka, maikai manderangni mikkango salgioni a-aona wa-alko ong-onata. Aro tonualni matako man-e tanggipa matburungni bimangko dakna nanga ine, a-ao donggiparangna agane, ua matburungni mikkango dakna una on-gimin chinrangni gimin a-ao donggiparangko brangata." (Parape-a 13:13, 14).



Aganchakani: United States tol-gipa tangchapilaniko chagronggen aro toromni niamrangko dakna didigen, mande sakantiko bak ra-na dragen (Parape-a 13:14) o matburungna bimangko dakanichi mesoka). Manderangko Isolni rongtalgipa snigipa Neng-takani Salko jegalna dragen aro uni palo matburungni rongtalgipa sal—Robibar salkosa olakkina dragen. Mitamrang mandeska baksa nangrime dongna ba janggi tangna manani aselrangni gimin namnike rachakgen. Agilsakni obostarang namjabatorogen aro chakchikna mangijani ongorogen je agilsak gimikchin "Isolona an-pilchina" pilakan bakrime Robibar salo olakkinio aro bi-anio bakrimchina kamko ka-gen, iasan namatani chol ine mesoke on-gen. Satan a-gilsakko indakgipa bebero-aniko dakchina tol-napgen je uamang Sastroni bebe ong-aniko jegale Robibar salko rongtala ine manina nanga. Indiba chong-motde, matburungna bamani aro olakkianiara Isolni songnokona napna bang-bata manderangni jegalaniko mesokani ong-a. Jegitaba ong-bo, Jisu Parape-ao matburungko olakkiani aro uni chinko ra-ani gimin bilaken agananiko dakaha!

14

To-Igipa gisikni tangchapilanina gisiko nangatani batroroengon, bonkamani somoio dongenggipa Isolni manderangchi agilsak gimikna ra-bagipa chong-motgipa gisikni tangchapilanina mai ong-skagen?



Aganchakani: Sastro agana a-gilsak gimikan "Uni rasongchi seng-ako man-aha." (Parape-a 18:1). A-gilsakni mande sakantinan Isolni bon-kamgipa somoio, Parape-a 14:6-14 ona agangipa sa-gre saggittamni nama katta sokatako man-gen (Mark 16:15). Million manderang Isolni manderang baksa bakrimon aro Jisuo man-gipa ka-sachakachi aro bebero-achi Uni on-gipa janggi jokaniko ra-chakon Isolni bon-kamgipa mondololi aiaoinmanpile dal-rorogen, jean uamangko Uni banggipa nokkolrang ong-aniona dingtangatgen. A-gilsakni pilak a-songrangoni bang-a manderang aro dilgiparang matburungni bimangko olakkina jechakgen ba uni tol-a skianirangko bebero-jawa. Indiba, uamang Jisuko olakkigen aro Una bamgen. Indake uamang Uni rongtalgipa Neng-takani salni chinko uamangni mikkirango (Parape-a 7:2, 3) ra-gen, indake uamang jringjrotna mohor suako mangnok. (Poraiani Lesson 20 ko Isolni mohorni gimin bang-bate ma-sie ra-na nibo).

Ta-rake silroroanian Tol-e skiani Kamrangko Ka-onangata

Isolni manderangni gisepo silroroanian tol-e skia kamrangko ka-onangatgen. Jerangan a-gilsakgimikni tol-e skiani tangchaatpilani kam baksa bakrimjaenga uamangsa a-gilsakni pilak saknaani aro dukrangko ong-atenga ine dilgiparang ma-siskagen (Daniel 11:44). Uamang uamangko brena aro palna on-jawa (Parape-a 13:16, 17), indiba Sastro ku-rachakani daka je cha-ani, chi, aro chelchakaniko Isolni manderangna on-chongmoten (Isaia 33:16; Gitrang 34:7).

15

Sengnapgija dake, dolrangko re-dilgipa U. S, uamngni bobilrangni kosako so-otako man-china ra-e on-gen (Parape-a 13:15). Parape-a 13:13, 14 o dilgiparang manderangko uamang baksa Isol donga ine bebera-atna maiko dakgen?

Aganchakani: Uamang aiao in mangipa kamrangko dakgen—indake Isolni bebegipa bon-kama somoini manderangna agre sakantiko bebera-atgen (**Mati 24:24**). Satanni gisikrangko (ga-akgimin sa-grerangko) (**Parape-a 16:13, 14**) jakkale, sigimin ka-sagiminrangni bimango (**Parape-a 18:23**) uamang mikkang pa-gen aro Sastroni katchinikgiparang aro watatarang dakeba an-tangtango dakmikgen. Ia tol-gipa korerangni gisikrang (**Johan 8:44**) Isol uamangko pilakkon bakrimna didichina watataha ine ka-dongate agangen.

Satan Kristo gita Mikkang pa-gen; Uni sa-grerang Kristian Pamongrang dake Mesokgen

Satanni sa-grerang toromna kama ka-giparang dakeba mesokgen, aro Satan seng-ani sa-gre dake mikkang pa-gen (**2 Korinthisrangna 11:13-15**). An-tangko, Jisu ong-a ine Satan agangen (**Mati 24:23, 24**). An-tangko Kristo dakate, ua Nengtakani Salko Robibar salona dingtangataha ine altuabee kange ragen aro an-tangko ja-rikgiparangko uamangni tangchaatpilani kamko ka-anio uni rongtalgipa salko—Robibar salko de-dochina didigen.

Billion Manderang Tol-napaniko Man-aha

Billion manderang, Satanko Jisu ine bebera-e, uni ja-arango tubamgen aro tol-napani kamo bak ra-gen. “Aro a-gilsak gimik ua matburungni ja-man ja-man aiao inaha” (**Parape-a 13:3**). Tol-napaniara inditan jajaatani ong-gen. Indiba Isolni manderang tol-napako man-jawa, maina uamang Sastrochi dake niako man-aha (**Isaia 8:19, 20; 2 Timothy 2:15**). Isolni niamko dingtangatna manja ine Sastro agana (**Mati 5:18**). Indakeba agana, jensalo Jisu re-bapilaheon, pilak mikrong Uko nikgen (**Parape-a 1:7**) aro Ua a-ao ga-dapjawa indiba aramrangko donggen aro An-tangni manderangko bangbango grongna okamgen (**1 Thessalonikarangna 4:16, 17**).

*An-tangko aiao
inmanpile mukut
siktikanichi, Satan
an-tangko Jisu gita
dakjegen.*



16

**Maikai an-chingara bon-kamani
somoio bilakgipa tol-napanirangoni
naljokgen?**

Aganchakani:

- A. Pilak skianirangko Sastrochi porikka ka-e nibo
(2 Timothy 2:15; Watatarang 17:11;
Isaia 8:20).
- B. Jisu jesake parape-a ugita bebeko ja-rikbo. Jerangan
Uko chong-mot ong-e manina ska uamang dakeba
tol-napako man-jawa (Johan 7:17).
- C. Jisu baksa salantio sepange dongbo (Johan 15:5).

Gisik Ra-atani: lan chingni sa-gre sakgittamni nama kattarangni gimin skugipa poraianioni dokgipa
Poraiani ong-a. Changgipin Poraianio maikai a-gimikni Kristian mondolirang aro gipin toromrang
bon-kamani somoini obosatarangna chanchianiko dakgen.



17

**Na-ara ka-dingstekaniko, a-riksanalaniko, aro bon-kame
sichina rai on-na man-genchimoba Jisuko olakkina aro bamna
sikgenma?**

Nang-ni Aganchakani:

Nang-ni Sing-anirangna Aganchakaha

1. **Iakode krae dakani gita nikjaenga je, bon-kamani dukrangode, je manderangan Isolni bebeko mamungdekeba knajaha tol-napaniko basee ra-gen aro gimagen.**

Aganchakani: Darangba sa-gre sagkittamni nama kattako (**Parape-a 14:6-12**) skanggipa knachenggijade (**Mark 16:15**) aro ma-sichenggijade (**Johan 1:9**) bon-kamgipa dukko chagrongjawa. Manderang matburungni bimangni chinko ra-gen maina uamang Kristoko ja-rikani damko gamna sijjaha.

2. **Parape-a 16:12-16 o agangipa maiko Armageddonni dakgrikani minga? Basako aro bano iako dakgrikengchim?**

Aganchakani: Armageddonni dakgrikaniara Kristo aro Satanni gisepo bonkamgipa dakgrikani onga. Iako agilsako dakgrikgen aro bonkamani somoina skangmangmang abchenggen. Ia dakgrikani Jisuni gnigipa rebapilanichi champenganiko dakgen. Ia dakgrikaniko bilsa 1,000 o a-bachengtaigen, jensalo denggurang rongtalgipa songjinmako rim-gittangna ka-donge chanduulgen. Salgioni wa-alko denggurangni kosako ga-akonatachi dakgrikani dontongatako man-gen (**Parape-a 20:9**). (Bilsa 1,000 ni gimin chu-gimik talataniko Poraiani Lesson 12 ko poraibo).

“Armageddon” kattara maiko miksonga?

Armageddonara Kristo aro Satanni gisepo “Bilakgipa Isolni dal-begipa salo dakgrikani” ong-a jeon pilak a-gilsakni jatrang bakko ra-gen (**Parape-a 16:12-16, 19**). “Salaramoni rajarang” ara Isol Pagipa aro Depante Isolani ong-a. “Salaram” ko Sastroo Isolni songnok ine mesoka (**Parape-a 7:2; Ezekiel 43:2; Mati 24:27**). Ia bon-kamgipa dakgrikani, a-gilsak gimikan Jisu, Mes Bi-sa aro Uni manderangni (**Parape-a 17:14; 19:19**) kosako dakgrikna ku-cholsan bakrimgen (**Parape-a 16:14**). Matburungko olakkina jechakgiparangko (**Parape-a 13:15-17**) chu-gimik niasatrangna kam ka-anian uamangni miksonga ong-gen.

Bebera-gijanian Jegalaniona Soka

Je manderangan Isolni nama kattako bebe ong-a ine ma-sioba, jegala, bilake bebera-gija ong-e tol-aniko bebera-gen (**2 Thessalonikarangna 2:10-12**). Jensalo uamang Uni manderangko gimaatna kam ka-gen Isolni songnokkon dongkuenga ine bebera-na a-bachenggen. Uamang toromirangko dugaa ong-pilgipa bebera-anichi ka-donga gri ong-atako man-aha ine chanchigen jerangan tol-gipa tangchapilanina kam ka-anio bakrimna jechakaha.

Jisuni Gnigipa Re-bapilanian Dakgrikaniko Dontongata

Ia dakgrikani a-gilsak gimikon ong-gen. Sorkarirang Isolni manderangko niasiatna jotton ka-gen, indiba Isolani champenggen. Euphrates chibimachi mesokgipa ra-natako man-gen (**Parape-a 16:12**). Chiara manderangko mesoka (**Parape-a 17:15**). Euphrates chibimani ra-naniara indake miksongani ong-a, je manderangan matburungko olakkina (Satanni songnok) dakhakaniko on-a rang-gitik an-tangtangni dakhakaniko ra-pilgen. Matburungko dakhakani ra-natako man-gnok. Dakchakgipa dolrang (**Parape-a 16:13, 14**) ga-aktokgnok (**Parape-a 16:19**). Jisuni gnigipa rabapilanian ia dakgrikaniko dondikatgen aro Uni manderangko jokatgen. (**Parape-a 6:14-17; 16:18-21; 19:11-20**).

Dakgrikani 1,000 bilsirangni Ja-mano A-bachengtaigen

Bilsa 1,000ni ja-mano, Satan Isolni aro Uni manderangni kosako dakgrikna a-palona ong-katgen. Ua dakgrikaniko a-bachengtaigen aro rongtalgipa songjinmako ra-na jotton ka-gen. Uni ja-mano ua aro uko ja-rikgiparang salgioni wa-alchi niasiataniko man-gen (Poraiani Lesson 11 aro 12 ko nibo). Indioba, Jlsuko ja-rikgipa sakantian Uni jringjrotni songnoko naljokataniko man-gen.



**3. Sastro agana, “Sal re-baenga, maikai na-simangko so-otgipa sakantini Isolni kamko ka-a ine chanchigen” (Johan 16:2).
Ilan an-chingni somoio chu-sokna man-genma?**

Aganchakani: Oe, chon-kamani somoio bakrimgipa a-gilsakni sorkarirang aro toromrang bon-chotaode jerangan tol-gipa tangchaatpilaniko ba Robibar salko manina jechaka Isolni manderang pilak ka-sachakaniko gimaatgnok. Uamang tangchatpilani baksa aiao inmanani kamrangko nikon—jedake sagiparangni an-sengpilani ba Isolko mitchigiparangni, cholon ong-sigiparangni nampilani, aro mingsinggipa mande so-otgiparangni gisik pil-ako nikon, uamangni tangchapilaniara chong-mot bebe ong-a chanchigen. Dol dakgiparang ia a-gimikni tangchapilani kamko gimaatna daragnaba on-jawa ine jotking dakgen. Sakantikon an-tangtangni chanchianirangko aro “kingkot dake skianirangko” (mesokatna, Neng-takani Sal) dondikchina didaniko dakgen aro a-gilsakbaksa bakko ra-e tom-tomanina aro jongada meli nangrime dongna bakko ra-china agangen. Jerangan ku-mongrimna melija uamangko bamna sigjagiparang, a-songna ka-sagijagiparang, antichistrang aro, bon-chote, indakgiparangna kenani ong-a ine changen jerangkon chakchikdamchana nangja. Ua salo, jerangan Isolni manderangko so-otaha uamang Isolni namnikako dakenga ine an-tangtangni gimin chanchigen.

4. An-ching Daniel aro Parape-ani katchinike seanirangni gimin poraion, chong-motgipa bobilde pangnan diabol ong-a dake nikgen. Ilan kakket ong-na man-ama?

Aganchakani: Ong-chongmota! Satan pangnan chong-motgipa bobil ong-a. Satan a-gilsakni dilgiparangchi, aro jatrangchi Isolni manderangko duk on-na kam ka-a aro indake Jisuna aro Pagipana ka-tong sa-dikaniko ra-bara. Satansa pilak namgijako ra-baanina daito ong-a. Hai an-ching uko matnangna aro maikai an-chingara Isolni manderangko aro mondoliko duk ong-atgipa manderangko aro dolrangko bichal ka-aniko daka uni gimin simsakjringna. Basakobarangde uamang sagipinrangko saknaatenga ine chu-gimikan u-isogijao ong-a. Indiba Satande uan mamungdakeba kakket ong-na man-ja. Ua pangnan chu-gimikan u-ia. Ua Isolko aro Uni manderangko miksongmanchaen duk ong-ata.

5. Maikai popeni siani ba gitalgipa presidentko seokani Parape-a 13:11-18 o United Statesni gimin katchinike agananina nangea?

Aganchakani: Je a-sel ong-oba je pope ba president ong-bo, katchinike agananide chu-sokaigen. Gital president ba pope uko chu-sokatanina ta-rakbatatna ba ka-sinatnaba donga, indiba ong-gnini giminde Sastroni katchinike agananio agansomanaha.

6. Parape-a 13:11-18 ni grong gnanggipa mes bi-sa gita dakgipa matburungara Parape-a 16:13 o agangipa bilara apsanma?

Aganchakani: Oe. **Parape-a 19:20** o Isol antichristko nisiatani gimin japananiko daka, aroba Ua tol-a katchinikgiparangko nisiatani giminba agananiko dakaha. Ia kattarango, Isol tol-a katchinikgipako matburungni mikkango “chinrangko dake” kamko ka-gipa bil aro “ua matburungni bimangko dakna nanga, aro mikkango dakna una chinrangni gimin a-ao donggiparangko brangata” ine mesoka. Ilan mes bisa gita grong gonggni matburungni kamrangni gimin rongtalbeen talataniko daka, jekon **Parape-a 13:11-18** o talataha. Ia Poraianio an-ching mes bi-sa grong gonggni matburungko United States ba America ine mesokaniko dakaha. Uni gimin mes bi-sa grong gonggni donggipa matburung aro tol-a katchinikgipara apsangipa bil ong-a.

Nang.ni agananiko ba sing.anirangko iano sebo

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao in mangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchangalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjava

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. **Sastroni katchinike agananio United Statesko (1)**

Gitchak, gipok, aro tangsimko gangipa mandechi mesokaha

Computerko janggilo ra-bitgipa do-gamdotchi mesokaha

Mes bi-sa daggipa grong gonggni matburungchi mesokaha.

2. **Grong gonggniara maiko mesoka? (1)**

Gam aro Sipai kotokni bil
Benjamin Franklin aro George Washington
Sorkari aro toromni jakgitel ong-ani

3. **“A-aoni ong-katbaenggipa gipin matburung” ara maiko mesoka? (1)**

Americanrangara songadamo dongna
namnikgiparong ong-genchim
la gitalgipa a-song jelgijagipa manderangoni
ong-katgen

Je chengoni mitam Americanrangde rong-kolo
donggiparangsang ong-genchim.

4. **la katchinike agananio, grong ganggipa mes bi-sa inani ortode United Statesara (1)**

Kratsha-gipa aro champenggipa ong-achim
Mesrangko jilgipa a-song ong-achim
Tom-tomaniko namnikgipa, gisikni gita
ong-katgipa a-song ong-achim

5. **Parpe-a odhai 13 ni katchinike agananio United Statesara mai somoio ong-katgenchim? (1)**

1492 1620
1798

6. **Parape-a 13 o mesokaniko daka je United Statesara ja-manode drakon gita agangen. lara maiko miksonga? (1)**

Uni manderang ka-ongangen aro u-ina
neng-genchim

Ua nisiatani ostrorango jakkalgenchim

Ua manderango ong-gija olakkianiko olakkichina
dragen ba sina nanggenchim.

7. **Isolni bilni chinara (1)**

Mes Bi-sa

Neng-takani Sal—Isolni rongtalgipa sal
Grong gonggnigipa matburung

8. **Maikai United Statesara matburungna bimangko dakgen? (1)**

Matburungni bang-a noksarango tarie palanichi
Matburungni bimangko Washington D.C o tarie
donanichi

Mondoli aro sorkari nangrime (popeni skango bil
man-a gita) toromni niamrangko ja-rikatanichi

9. **Parape-a 13:15-17 o matburungni chinko ra-na jechakgiparangni kosako maidakgipa sastirango ra-bagen? (2)**

Palna aro brena man-jawa
Gipin a-palchina watatgen
So-otgen

Matburungo kema bi-aniko dakna dragen

10. **Bon-kamani somoio badia rokomgni a-gilsakni niksengbatgipa bilrang ong-gen? (2)**

Europe	United States
Japan	Pope
China	

11. **Badiarang Armageddonni dakgrikani gimin bebe onganiko agana? (6)**

Ian agilsako bonkamgipa dakgrikani ong-a
“Salaramni rajarang” ara Japan aro China ong-a
Dakgrikanio Isoni manderangko matburungni
nisiatna miksongani ong-a
Ilan a-gilsak gimikon ong-gen

lan Jisuni gnigipa rebana skang abachenggen aro
bils 1,000 matchoto denggurangni rongtalgipa
songjinmako ra-na duulani smoio matchotegen
lan Kristo aro antichrist/Satanni gisepo
dagrikaniiko mesokani bimung ong-a
Euphrates chibimani ra-naniara matburung,
antichristko ja-rikgiparangni chakpaaniko
ra-pilanko miksonga
la dagrikaniiko Palestineseos dakgen

12. Bon-kamani somoio Isolni chong-motgipa tangchaatpilani kamara badita chu-sokgen? (1)

A-gilsak gimikan gisik pil-gen
A-gilsakni mande sakantian nama kattako knagen
Sakantian ra-chakgen
lan chu-sokjawa. Diabol iako dondikatgen.

13. Bon-kamani somoio tol-gipa dakgrikaniara baditana chu-sokgipa ong-gen? (1)

Bang-a a-songrangan iana chakpajawa
United States aro Europeosan chu-sokaigen
A-gilsakni mande sakantian—Isolni manderangna
agre—iano bak ra-gen aro chakpagen

14. Duk, saknaani ong-genoba, jeona dilenga, na-a Jisuko ja-rikna skengama?

0e 0ng·ja

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimumung :					
Nang.ni Email :					
Phone Number :					
Nang.ni Address :					
City, District :		State :		Country :	
Pin :		Bilsi :		Misi :	

Nanq.ni contact info-ko tik dake on.bo